

Эргим уруглар! 2008 чылдың ийиги чартыында "Сылдысчыгаш" солунуң чагыдылгазы чоруп турар. Солунуңарны чагыдып алырын утпаңар!



ТЫВА РЕСПУБЛИКАНЫҢ УРУГЛАР СОЛУНУ

СЫЛДЫСЧЫГАШ

№ 20
(2884) Май 20 2008
вторник чыл

1945 чылдың март 1-де үндезилеттинген.
1990 чылдың февраль 1-де катап тургустунган.

Хүнүнүн үнүри: 5.16; ажары: 20.57
Хүн дургунуң узуну: 16.20
Айның үнүри: 23.12
Ажары: 4.18

Солун вторник санында үнер.
Садар өртөз дугуржулга өзугаар.

СЫЛДЫСЧЫГАШТЫҢ МЕДЭЭЗИ

ШЫЛГАРААННАРНЫ ШАҢНААН

Эрткен неделяда ТР-нің Өөредилге, эртем болгаш аныктар политиказының сайыды Петр Морозов 2007-2008 өөредилге чылында янзы-бүрү олимпиадаларга, конференцияларга, спортчу мөөрейлерге киришкеш, чедииникиниң болган уруглар, оолдарга Хүндүлел бижиктер болгаш өртектег белектерни тывыскан (Чурукта).



Ол кымнарыл дээрге, республика, күрүне лицей-деринин, Кызылдың №11 школазының "Келир үеже башкы" Бүгү Россияның эртем-шинчилел конференциязы-нын, анык журналистериниң 3-кү республика олимпиа-дазының тиилекчилери, республиканың дүлөй уруглар школа-интернадының чемпион спортчулары-дыр.

Сөөлгү коңга

Май 17-де республи-каның бүгү школаларында 11-ги классчыларның сөөлгү коңгазы болган.

Кызылдың №12 шко-лазынга база сөөлгү коңга-ның байырлалы онза чараш эрткен. Ук школаны бо чы-лын ниитизи-биле 128 өөре-никчи доозуп турар. Мын-дыг хөй доозукчу оң мур-нунда каян-даа турбаан деп, директор Любовь Шаңгыр-овна Тас-оол дыңнаткан.

Сөөлгү коңганы байыр-лаары-биле доозукчулар, башкылар, ада-иелер школа-ның улуг залынга чыгып кел-геннер. Аңаа күрүне шыгал-даларынче эрткен доозук-чуларның дугайында ду-жаалды директор Л.Ш.Тас-оол номчаан соонда, "Вер-нисаж" деп 2008 чылдың доо-зукчуларынга болгаш баш-кыларынга тураскааткан слайд-шоу көрүлдөзү болган. Доозукчулар башкыларынга чылыг-чымчак сөстөрү чу-

гаалап, белек-селектерни ты-выскан. Школаның удур-тулгазы школазының адын камгалап, янзы-бүрү олим-пиадаларга, конференция-ларга, конкурстарга, спортчу оюннарга чедииникиниң ки-ришкен доозукчуларның адын адап, сценаже чалааш,

акша шаннаалдарын тывыс-кан. Байырлалдың төңчүзү-нде доозукчулар школа даш-тынче үнүп келгеш, күзелдер бодап алгаш, дээрже янзы-бүрү өнүг шариктерни ужу-дупкан. Күзелдеринер бүдер-ле болзунам, доозукчулар!

Бистиң корр.



Бирги классчылар-биле сөөлгү кичээл

Сөөлгү коңга

ЧАГЫДЫЛГА-2008



Чаңгыс-даа чүүл эрттирбейн көрүп, номчуур солунуңарны чагыдарын утпаңар!

Начын БАЛЧЫР, Элегес-Аксы школазы, 4 "а" классың өөреникчизи чураан.

2008 чылдың 2-ги чартыында чагыдылга кам-ниязы чоруп турар. Чагыдылганың 6 айда өртөз - 164 аль 52 коп. Школаңарга "Сылдысчыгаш" солуну үйү-биле чагыдып алыр дээш идеяңың ажилда-ныче силерни кыйгырдыыс!

Идегел-биле, "Сылдысчыгаштың" коллектив.



Уттундурбас, эргим үелер

Школачы чылдар эн-не уттундурбас, эргим үелер. Удавас дораан амыдыралдың узун делгем ак оруунче чүк башка тарап чоруптар бис.

Школачы дунмалары-выска үлегеривисти көргүзүп, бүгү-ле хөй-ниити ажилда-рынга идеяңың кирип, янзы-бүрү мөөрейлерни класстар аразында эрттирип турдувус. Уругларның бот башкарылгазының прези-дентизи класчылар Омак Са-ды. Өөредилге, культура, күш-

культура сайыттары база бис-тин аравыстан. Спортчу мар-гылдааларга уран-чүүл көрүлд-леринге хөөредиг чок, школада биске деннежирлер ховар.

Сөөлгү өөредилге чылы черле онзагай болган. Клазы-выс-биле О-Шынаа школа-зының 11 классчылары-биле ужураштывыс. Часкы дышта-нылга үезинде Кызылга экс-курсиялап чордувус. Ко-жуунуң доозукчуларының аразында болган мөөрейге база 1-ги черни алдывыс.

Бо-ла бүгү чедииникини-ревиске бисти бидиңиг удур-туп, башкарып чоруур клас-зы-выс башкызы Дарый Чими-овна Хертектин үлүг-хуузу улуг. Башкыыстың эрттиргени бай-лак, ханы утка-шынарлыг класс шактары бисти угаан-сарылы-дыг, төлөпиг мөзү-будуштүг кижилер болуп, шын орукче ут-лап-баштап чоруур.

Ынчангаш башкымга, эш-теримге, республиканың бүгү-ле бо чылгы доозукчуларынга чедииникиниң күзөшүм.

Артыш СИМЧИТ,
Кызыл-Чыраа школазы,
11 класс.

ШКОЛА 1978 ЧЫЛДЫН
ФЕВРАЛЬ 23-ТЕ
ТУРГУСТУНГАН



Республиканың Ростислав Докур-оолович хөгжүм болгаш чурулганың ШКОЛАНЫҢ ДИРЕКТОРЛАРЫ



**Валерий Дыртый-оолович
ОНДАР**

Школаның амгы
директору:

Хүндүлүг коллективим, эргим башкыларым, ынак өөреникчилерим!

Силер бүгүдөгө кадык-шылды, аас-кежикти, чоргааралды күздөм! Келирче - чаштарывыстың салым-чаянын, үзел-бодалдары боттанып, Тыва-выстың төлөптүг кадрлары болуп хевирлетиперинге кирип туруп үлгө-ижиңерге чүгө ак орук чаттылган туруп болзун!

Юбилейвис-биле!



ТӨӨГҮЗҮ СОЛУН

Бистиң ак-көк Тывада,
Бичии хоорай Кызылда,
Уран чүүл школазында,
Улуг-биче уруглар бар.

Ында шупту найыралдыг,
Ырлыг-хөглүг чурттап турар.
Дөрткү каытта

кайгамчыктыг,
Дөгөрезин хөгжүмчүлөр.

Ушкү дугаар каадында
Удуур дыштаныр аал ында.
Салым-чолдуг чаштар дээш,
Сагыш човаан башкылар ында.

Дөрт каыт бедип үнген,
Төөгүзү солун школа ол.
Чараш, чылыг Орду
Чаштар ыдык ораны ол.

Сайлан САМБУУ, 7 класс.

СҮЛДЕЗИ БЕДИК ШКОЛАМ

Хөглүг каткы, хөгжүм-ыры
Хүннүң черле үзүктөлбөс.
Чаяанындан салым-чолдуг
Чаштар чыылган ынак

школам.

Ховар чараш чечекке мен
Школамны дөмейтээр мен.

Чүс-чүс чаштар өөреткен
Сүлдөзи бедик школам.

Дарыя ОНДАР, 8 класс.



**Любовь Николаевна
ХУУРАКАЙ**
1978-1987 чылдарда
директорлаан



**Марита Тепес-ооловна
УДУМБАРА**
1987-1988 чылдарда
директорлаан



**Маргарита
Аркадьевна ГРИГОРОВА**
1988-1993 чылдарда
директорлаан



**Виктор Сергеевич
ЧИГЖИТ**
1994-2004 чылдарда
директорлаан

Өөреникчилер школазының дугайында

ЧААГАЙ ЧОЛДУГ ШКОЛАМ

лаевна Хууракай. Ол болза школаны бут кырынга тургузуп, эки ажылдаан. Кайгамчык школа чаа ажыттыг чылдарында хууда бажың чок турган. Өөреникчилер ангы-ангы черлерге өөренип, чөмөнөп, чурттап турганнар.

1999 чылда школа-интернат чаа тудугже көшкен соонда школа Тываның музыка эге базымнарының тургузукчуларының бирээзи, композитор Ростислав Кенденбилядың ады-биле адаттыглан.

Амгы үеде школада республиканың ангы-ангы кожууннарындан салым-чаянныг уруглар, оолдар өөренип турар. Уруглар Россия девискээринче, даштыкыже чедип, фестивалдарга, конкурстарга чедишкенин киржи тууралар.

Бо чылын, 2008 чылда школавыс 30 харлаан. Аңаа өөреникчилер, башкылар база ада-иелер идеккейлиг белеткенип тууралар. Олар Тываның шупту кожууннарынга чедип,

боттарының уран-талантызын көргүзүп, көдээ суурларда көрүкчүлөргө аалдап чедерин планнап турар. А май 23-те Тываның хөгжүм-шии театрынга Улуг концертин көргүзүлөр.

Келир үеде школамга база ында өөренип туруп өөреникчилерге улуг тилгелерлиг болурун йөрээп ор мен. Кайгамчык школаны уруглар дооскаш, дээди эртемни чедип алгаш, Тыва Республикага культураны сайырадып ажылдаарын күзээр кижидир мен.

*Адыган АЙЫЖЫ,
9 класс.*

АМ-ДАА ХӨГЖҮ-ЛЕ!

чурттарга чораан. Уран чүүл школазында Тыва Республиканың культуразының алдарлыг башкылары: Монгуш Раиса Александровна, Лопсан Мария Монгушевна болгаш оон-даа өске башкыларны адап болур. Бо башкылардан ангыда өөредилге ямызының тергини деп атты Монгуш Нина Кыргысовна эдилеп турар.

“Сайзанаң” ансамблиден ангыда “Эртинне” ансамбли база бар. Олар база даштыкыдан бээр чораан. “Эртинне” ансамбли Россия Федерациязының алдарлыг артизи Конгар-оол Борисович Ондар башкылап турар. Бо ансамбльди дооскаш, Тываның алдарлыг артистери апарган хөөмейжилер база хөй.

Эрткен чылын “Сайзанаң” биле “Эртинне” ансамблидери он беш чылдаан байырлалдарын эрттиргенер.

Бистиң башкыларывыс өөреникчилери дээш дыка кызымак. Уран чүүл школазын дооскаш, сонгаар өөренип чоруур дээн өөреникчилерниң күзелин база деткирлер.

Мен школамны ам-даа сайырап, хөгжүзүн-не деп күзээр-дир мен.

Чечек ХОМУШКУ, 7 класс.



Коллектив РОМХШИ 2008 год



Кенденбилъ аттыг ниити өөрөдигенин, школа-интернады 30 харлаан



1999 чылдың
СЕНТЯБРЬ 1-ДЕН ЭГЕЛЕП
ШКОЛА ЧАА ОРАН-СА-
ВАЛЫГ АПАРГАН

Школавыс башкылары

КЕЖЭЭ, КЫЗЫМАК

Школам 1978 чылда тургустунган. Хөгжүм школазы дээн болганда, мен гитарада өөренип тур мен. Мээң башкым адын Куулар Валерий Очур-оолович дээр. Мен башкым-биле школаның юбилейинде белеткенип тур мен. Оон ынай кожууннар-



га барып көргүзөр концерттерге белеткенип тур бис. Мээң башкым гитара башкызы болурундан аңгыда, школада завуч. Ол ажылы дээш дыка кызымак. Ол эргенгенин 8 ша-
КЕЖЭЭНИН сес шапка чедир ажылдааш, чанар. Мени башкым ийи класстан тура өөрөдип келген. Мен башкымга тос классты дооскужеге өөренир мен деп шагдала шийтипирлеп алган мен.

Сайдана АДЫГ-ООЛ,
5 класс.

ДҮРЖУЛГАЗЫ БЕДИК

Башкым адын Куулар Валентина Салчаковна дээр. Ол мени дээш хөй күжүн үндүрүп, бичимден тура мөөрейлерге кириш-



иргеш, шаңналдарга чедирген. Школада 10 чыл ажылдаан. Оон өөреникчилери: мен, Монгуш Айлык, Ооржак Янсулуу, Сушаа Аржаана, Чинчи дээш оон-даа хөй.

Башкывыс бисти гитарага, чанзыга, фортепианога, домрага ойнап өөдип турар.

Ончалай МИЖИТ-ДОРЖУ,
7 класс.

Башкымны Өртөней Таисья Базыровна дээр. Ол 1950 чылдың июнь 22-де төрүттүнгөн.

Боду бөдүүн, чазык-чаагай шырайлыг, чугаакыр. Биске келгеш, кичээл эрттире бээрге, оон кайгамчык солун бодалдарынга кижиге боду ала чайгаар алзып, эртем делегейиниң ханы дүвүнче шымын кире бээр. Башкым бо школада 13 дугаар чыл ажылдап турар.

Ам бо хүннерде өөрөдип турар өөреникчилери башкывыска дыка ынак бис. Башкым чазык, үргүлчү хүлүмзүрүп чоруур. Чижээ-дээрге, онаалганы кылбайн баар болзуңза, ажымай, а харын-даа боду тапты кончук база катап тайылбырлап чугаалап бээр. Башкымның меңээ бир катап чугаалаан сөстөрүн утпас-дыр мен: "Кажан,

САГЫШ- ЧОВАНГЫР



кажы-даа өөренип тургаш, башкыларыңарны хүндүлөп чорунар!"

Шынап-ла, бодап-даа келиримге, башкылардан өске хүндүткелдиг улус чок тур. Ынчангаштың, школамын дооскаш, ынак башкымның изин истеп, чаш ажы-төлдү өөрөдип кижизидер башкы болуксаар мен.

Буян САРЫГБАЕВ,
9 класс.

ЧОРГААРЛАНЫР БИС



Саяна Кулаковна
Тадар-оол - бистиң башкы-

выс. Ол школада тыва дыл, төрөөн чогаал башкылап турар. Ажылыңга ынак, харысалгалыг, өөреникчилеринге хамаарылгазы дыка эки. Кичээлдеринге темаларны билдингир, чедингир тайылбырлаар болгаш ол кичээлдер дыка солун эрттер. Саяна Кулаковна чараш, мөзү-бүдүштүг, шынчы, ак-сеткилдиг, сагыш човангыр, аксы-сөзү эвилең-ээлдек. Ол ийи оолдун эңерелдиг, хайыралдыг, иези.

Башкывыс өөреникчилеринге чоргаарланыр, а өөреникчилери башкывыска чоргаарланыр бис.

Алдын-Сай КУУЛАР,
Аржаана САТ, 7 класс.

АНЫЯК - ДООЗУКЧУЗУ

Доңшулуур башкызы - Тамдын Жанна Алексеевна. Ол мээң ынак башкым. Мени үшкү класстан эгелеп башкылай берген. Овур-хевири чараш, чажы кара, шырайы ак, карактары борбак кара.

Башкым школада хүндүткелдиг аныяк башкыларның бирээзи. Ол бо школаның доозукчузу. Дээди эртем-билигн чедип алгаш төрөөн школазында ажылдап чоруур.

Мени мөөрейлерге киришсин дээш башкым аажок кызып белеткээр. Ийи удаа



мөөрейлерге киришкеш, башкымның идегелин шыңзыдып, шаңналдыг черлерин чаалап алдым. Аңаа башкым дыка өөрөөн.

Сайлаң САМБУУ, 7 класс.

КИЧЭЭЛДЕРИ СОЛУН

Мээң ынак башкым биология башкызы - Мариана Орус-ооловна Халбы. Ол бистерни дыка өөрөдир. Мени беш класстан өөрөдип эгеледи. Ол башкым дириг амытаннар дугайында дыка солун кылдыр чугаалаар. Башкымның чажы кара, хептенири дыка онза, фигуралыг, карааның өңү кара, хевири чараш.

Бистер чайын башкывыс-биле бүдүн класс парк чоруур болдувус, аңаа бистер пиявкалар көөр бис. Башкымның үш оолдары бар. Чазын башкывыс-биле уруглар школа мурнунга үрезиннер тарып, сугтарып каар бис. Оон өөрөдип эгелээрге школавыстың мурнунга дыка чараш чектер үнүп кээр.

ЫНАК ШКОЛАМ БАЗА БАШКЫЛАРЫМ

Мени бо школаже улуг даайым кирип каан. Даа, ийи алдан хар чедип турза-даа, чеди харлыг уруун чараш школага кириген. Бо школага 1999 чылда бирги классче өөрөдип кирдим. Чаа өөрөдип чедип келгеш, эге класс башкызы Эренчин Чечек Тайынчиевна-биле таныштым. Башкывыс бичии улуска дыка



ынак, дузааргак, биче сеткилдиг болду.

Бистиң класска үжөн дөрт өөреникчи турган. Ындыг хөй өөреникчиге чаа теманы тайылбырлап чугаалаары дыка берге. Бирги хүнде өөрөдип келгеш, "Үжүглел" деп ном безин танывас турган мен. Башкывыс бисти хөй-ле чүүлге өөрөдип каан.

Оон аңгыда орус хөгжүм херексели - домрага



Оон бир ынак башкым, скрипка башкызы. Ады Кноблах Александр Александрович. Ол башкым өөреникчилерни дыка эки өөрөдир. Башкымның хевири узун, чажы чырык, шырайы ак. Ол уругларны дыка мөөрейлерге кириштитирер. Мени үш чыл өөрөдип тур. Башкым хүндүткелдиг, угаанныг, бүзүрелдиг.

Сырга ХӨӨМЕЙЛЭЭР,
7 класс.



ойнап өөрөдип турган мен. Башкым Осур Чечек Хереловна. Домраны өөрөдип тургаш конкурстарга киржип, лауреат атты чаалап ал турду. Бодум сески класстан тура хостуг үемде ксилофон деп хөгжүм херекселин сонуургап ойнап өөрөдип турган мен. Ол эртемнер башкызы, школавыстың директору Ондар Валерий Дыртый-оолович. Ам бо үеде улуг конкурска белеткенип турар бис. Бистиң школавыста шупту-ла бодунуң хөгжүм-херекселге салым-чаяанын көргүзүп, күзели-биле өөрөдип турар өөреникчилер дыка хөй. Башкыларымга чүгле экинни күзеп, оон-даа эки чараш кылдыр сайзыраарын күзээр-дир мен.

Диана ХЕРТЕК, 9 класс.

Арынны Александр ШОЮН чыскаап, белеткээн.



Төрээн черин өөрөн

ТӨРҮТТҮНГЕН СУУРУМ

Мен болза Тываның Тес-Хем кожуунуң Самагалдай суурунга төрүттүнген мен. Самагалдай Тываның баштайгы найысылалы болгай.

Самагалдай Тываның амгы болгаш келир үеде төөгүзү - ол дээрге бедик-бедик дагларның, делгем-делгем ховуларның, шапкын-шапкын хемнерниң сууру-дур. Олар дыка-лахей, оларны санап, бижип

четпес-тир.

Самолетка олуруп алгаш көөргө, бедик дүдүс-кектиг тайгаларның баштары ырактан харап алган тургулаар. Ындыг шиш сүвүрлерлиг, эдектери эзимнерлиг, чамдыктарының кыры дески, тас, хая, туругларлыг аажок бедик таскылдар Самагалдайны долганып алган турар.

Самагалдайны чүглө даглыг чурт деп болбас.

Культура амыдыралы

СОНУУРГАНЧЫГ ХЕМЧЕГЛЕР

Хандагайты суурда Геннадий Тумат аттыг культура бажыңыңа дыка солун, бедик утка-шынарлыг, аңгы-аңгы темаларга хамааржыр культура-массалыг хемчеглер болгулаан. Бо культура бажыңыңа ажилдап турар методист башкарыкчыларның ажылы эки. Дыштаныр хүннерде, байырлалдарда хөглүг, солун концерт, мөөрейлерни эрттирип турар. Бистер, школачылар база анаа кирип, чоннуң үнелелин ап турар бис. Культура бажыңыңың хоочун методизи Клавдия Саая "Хамнаарак - 2008" кожуун чергелиг мөөрейни бедик

деннелге эрттирген. Бо мөөрейге тиилээн Сырга Чымбалак (улуг бөлүк), Аялга Донгак (бичии бөлүк) республикага болган көрүлдөгө ийги черни ап, лауреаттар болганнар. Азиза Куулар (ортумак бөлүк) "Келир үениң сылдызы" деп номинацияга төлөпиг болган.

Суурун аныяктарының сонургалы аныяктар болгаш школачылар аразыңа амгы үениң танцыларыңа "Танцполдун сылдызы" мөөрей суму иштинге болгаш кожуун чергелиг болуп эрткен. Шүптү 130 оолдар, уруглар киришкен. Ону "Стартейджер - 2007" мөөрейниң лауреаттары "Үгер сылдыс" бөлүү база

Чагаадан бижикер, уруглар!

ЧҮС АКШАНЫҢ ОРНУНГА ЧҮС ЭШТИГ БОЛ

Экин, уруглар, оолдар! Ынак солунувус "Сылдысчыгаш" тава-рыштыр хөй-хөй эш-өөрлүг болуксап тур мен. 15 хар-

чуруктарымны номчукчулар-даа таныштырарын диледим. Ынак солунум "Сылдысчыгашче" бир-ле дугаар бижип турарым бо.



лыг мен. Менче 15 хардан өрү уруглар, оолдар чагаадан бижип көрүнерем. Хостуг үелеримде чуруттунарыңа ынак мен. "Сылдысчыгаштын" редактору мени деткип, мээң чураан

Ам-даа чураан чуруктарымны чорудар мен.

Адреси: 668302. Таңды кожуун, Балгазын суур. Комсомольская кудумчузу 12. Чодураа МОНГУШ.

Оон аңгыда Самагалдай, калбак ховуларның, делгем шынааларның чурту. Ында көдээ ажил-агыйның ажил-ишчилери чер ажылын кылып, элбек дүжүттүг тарааны өстүрүп турар. Самагалдайда чүзүн - баазын куштар, аңнар бар. Оларның аразында торлаадан кууга чедир, астан эгелээш адыгга чедир, диинден эгелээш кишке чедир бүгүлө араатан аңнар, куштар бар.

Мен Самагалдай деп Тываның бир онзагай чараш черинге төрүттүнген болгаш өөрүп чор мен.

Санчаа ОЮН,
Кызылдың
№ 9 гимназиясы,
7 "в" класс.

Арина Тумат удуртуп башкарып эрттиргеннер.

"Эрнин эреси - 2008" мөөрей суму иштинге база кожуун чергелиг эрткен. Ону чон аажок сонургаан. Маңаа Амгалан Монгуш тиилээн.

Культура бажыңыңың ажилдакчылары чон эки дыштанып алзын дээш, чараш, солун, байырлыг кезжелерни эрттирип турары мактаксанчыг. Чүглө багай чүвези ол шагында черле эгелевес, ийи-үш шак орай боор. Чонга кончуг шыланчыг, берге бооп турар. Культура ажилдакчыларының чымыштыг берге ажылын үнелеп, чедиш-киннерни күзедим.

Долума МОНГУШ,
9 "в" класс,
Хандагайты школасы.

Чоннуң чечени

1. Ай чырында чылыг

Аспырак кижиде нүүр чок.

2. Кижик экизи найыралда.
Аът экизи мунушта.

3. Сөглээриңи бодан,
Кылырыңы хынан.

Бистин календарыыс

• 21 — Россияның Оожум океан шериг-далай флодунун хүнү.

— Бүгү-Делегейниң Космос хүнү.

• 22 — Тываның гуманитарлыг шинчилелдер институтунун улуг эртем ажилдакчызы, литература критиги, дыл эртемнериниң кандидаты Уран Алдын-ооловна Донгак 45 харлаан.

— 40 чыл бурунгаар (1968 чылда) ужал чүүлдүн курлавырда генерал-майору В.Г.Шагин Кызыл хоорайның эң-не баштайгы Хүндүлүг хамаатызы болган. Ол 1919 чылдың август 16-да Кызыл хоорайны ак гвардейжилерден хостаарыңа киришкен.


• 24 — Славян бижиктин болгаш культураның хүнү.

• 25 — Химиктер хүнү.

• 26 — Тыва Республиканың алдарлыг артизи Дадар Норбу-ооловна Барынмаа 65 харлаан.



САГЫНГЫРЛАРГА БОДАЛГА



Чурукта грушаларны, виноградтарны, вишняларны болгаш яблоктарны көрүп турусилер. Бир эвес ийи дорт шугумну шын шыып чорудар болзунарза, олар боттары-ла аңгы-аңгы бөлүктерге үстү бээр.

СЫЛДЫСЧЫГАШ

"Океан-97" Бүгү Россия фестивалының дипломанты.

"Чонор-даш-2004" республика конкурсуңуң лауреады, Россиянын Журналистер Эвилелиниң дипломанты.

Кол редактор Александр ШОЮН

Редакцияның адреси: 667000, Тыва Республика, Кызыл, Красномарейская кудумчузу, 100. Парла-га бажыны. 4-кү каът, кабинеттер 75, 76, 77, 79.

Индекси 10013.

Тираж 3821 экз.

ФАКС 8(394) 22-2-06-17. Телефоннары: Кол редакторунуң — 2-06-17. Секретарь — 3-17-90. Килдистер — 3-17-87. Бухгалтерияның — 3-17-90.

Чагыт №140.

Россия Федерациязының Парлаага, телерадиоам-чыдылга болгаш массалыг коммуникация херектериниң талазы-биле яамының Ортыкы Сибирье регионнар ирээниң девискээр эргелии "Сылдысчыгаш" солуну бурткээн. Херечилеи — Т-00015.

Солуну РФ-ниң "Тываполиграф" курунниң унитарлыг бүдүрүлгезинге парлаан. (Кызыл, Шетинкина-Кравченко, 1) Парлаагаже дугаары; график езугаар понедельникте

Тургузукчулары: Тыва Республиканың парлаага болгаш ин-формация талазы-биле куруне комитети. Тыва Республиканың нийти болгаш профессионал өөредилге яамызы.

10 шакта. Херек кырында понедельникте 9.00 шакта. Редакция бижимел чүүлдөргө, тырттырган, чу-раан чуруктарга, шүлүк болгаш проза ногаалдары-га сайтарыга кылбас болгаш оларны эзеринге дедир эгилтес, авторлар-биле чагалажылга чорутпас.

Солуну РФ-тиң парлаага болгаш массалыг коммуникация херектериниң талазы-биле Аген-тилелиниң деткимчези-биле үндүрүп турар.